

КАНОН СВЯТИТЕЛЮ НИКИТЕ НОВГОРОДСКОМУ

Память празднуем 31 января (13 февраля)

Тропарь, глас 4-й

Насладився, Богомудре, воздержания и желание плоти твоея обуздав, на престоле святительства сел еси, и яко звезда многосветлая, просвещая верных сердца зарями чудес твоих, отче наш, святителю Никито, и ныне моли Христа Бога, да спасет души наша.

Ин тропарь, глас 2-й

Небеснаго пространства желая, от юности в тесне месте затворился еси, в немже прельщен быв от врага, паки смирением и послушанием победил еси прелестника крепце, Никито, и ныне, предстоя Христови, моли спастися всем нам.

КАНОН, глас 3-й

Песнь 1

Ирмос: Сущу глубородительную землю солнце нашествова иногда: яко стена бо, огусте обаполы вода людем пешемореходящим и Богоугодно поющим: поим Господеви, славно бо прославися.

Припев: Святителю отче наш Никито, моли Бога о нас.

Аггче непорочный, Божий Слове, отверзи моя недостойная уста, да возмогу воспети святителя Никиту, Твоего угодника.

Святителю отче наш Никито, моли Бога о нас.

Болезнями постническими душу просветив, преподобне, яко чисту жертву Христу представил еси, радуясь, поя: славно бо прославися.

Слава: Воздержанием тело духу поработил еси, душу же равноангельну сотворил еси. Поминай верою чтущия тя, поя Богу: славно бо прославися.

И ныне: Господородительнице Владычице Маріе, моли, Егóже родила еси, Бóга и Царя нашего, да милоствив бóдет нам в день Сýдный.

Песнь 3

Ирмос: Неплóдная душé и безчáдная, стяжи плод благослáвный, веселящися, возопій: утверди́хся Тобóю, Бóже, несть свят, несть праведен, пáче Тебé, Гóсподи.

Святителю óтче наш Никíто, моли Бóга о нас.

Дéлатель быв за́поведей Госпóдних, непрестáнно в них поучáясь, óтче Никíто, сегó рáди вшел еси́ в Небéсная, вопия́ рáдостно: несть свят и несть праведен, пáче Тебé, Гóсподи.

Святителю óтче наш Никíто, моли Бóга о нас.

Егда́, завíдев тебé, прелука́вый хотя́ше запя́ти от добродéтелей, сопротивостáв, преподóбне, без вéсти тогó сотворил еси́, Христú вопия́: несть свят и несть праведен, пáче Тебé, Гóсподи,

Слава: Жити́ем добродéтельным Бóгу угодил еси́, велиáра посрамив, и Христú возопил еси́: несть свят и несть праведен, пáче Тебé, Гóсподи.

И ныне: Зачалá еси́ Отчее Сло́во Ипостáсное, Егóже моли́, Богороди́це, избáвити от бед рабы́ Твоя́, воистинну призывáющия Тя.

Гóсподи, помíлуй (трижды).

Седален, глас 1-й

Яко сад присноцвету́щ, лю́ди твоя́ сотворил еси́, сия́ во благочéстии возрастив, умно́жил еси́, и от сегó véрен раб и дéлатель виногра́да Христóва показáлся еси́, и трудóм возмéздие достóйно восприя́л еси́, святителю, моли́ Христа́ Бóга, да спасéт дýши нáша.

Слава, и ныне: Всех Творца́, Бóга же и Содéтеля, Всенепорóчная Чíстая, Дúхом Божéственным в ложесна́х Твои́х зачéнши, без нетлéния родила́ еси́. Егóже сла́вяще, Тя воспевáем, Дéво, я́ко палáту Царя́ всех и мíра заступлéние.

Песнь 4

Ирмос: Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Святителю отче наш Никито, моли Бога о нас.

Законом отеческим последуя и сих житие подражая, непрестанно Христу зывал еси: слава силе Твоей.

Святителю отче наш Никито, моли Бога о нас.

Из млада Христа возлюбил еси, сего ради яко рачителя Своего возлюбил ты, к Немуже вопиеш: Слава силе Твоей.

Слава: Исполняя законы Божественныя, преисполнился еси дарований Божественных, святителю Никито, верно зывая: слава силе Твоей, Господи.

И ныне: Кадильнице всезлатая, Марие Всенепорочная, Христа моли, Егоже родила еси, избавитися нам от бед и огня вечнующаго.

Песнь 5

Ирмос: К Тебе утренюю, всех Творцу, преимуществу всяк ум миру: зане свет повеления Твоя, в нихже настави мя.

Святителю отче наш Никито, моли Бога о нас.

Лук врага сокрушил еси, и брань его до конца разорил еси, и совершения добродетелей, преподобне, достигл еси.

Святителю отче наш Никито, моли Бога о нас.

Молитвою возшел еси на Небесная, идеже с лики отец пребывая, веселишися. Поминай, преподобне, память твою светло торжествующия.

Слава: Неизреченных Таин Христовых служитель быти сподобился еси и, сия принося Богу, за мир прилежно молился еси.

И ныне: Упование и надежда наша Ты еси, Пречистая Владычице, спаси люди Твоя, молящияся и имя Твое призывающия.

Песнь 6

Ирмос: Бездна послѣдняя грехов обыде мя, и исчезает дух мой, но прострый, Владыко, высокую Твою мышцу, яко Петра, мя, Управителю, спаси.

Святителю отче наш Никито, моли Бога о нас.

Предызбран быв Божественною благодатию, во еже паствити стадо христоименито, ты же, преподобне, яко пастырь истинен, прилежно о стаде попечение имел еси.

Святителю отче наш Никито, моли Бога о нас.

Разумне разсуждая, чада твоя часто наказовал еси духовными словесы, да пребудут твердо соблюдающе веру Православную.

Слава: Святительства честию почтен, прилежно моление за люди твоя приносил еси: да милостива Бога обрящут в день Судный.

И ныне: Ты еси, Пречистая Богородице, прибежище наше и утверждение, моли Сына Твоего и Бога нашего подати нам спасение и грехов оставление.

Господи, помилуй (трижды). Слава, и ныне:

Кондак, глас 6-й

Архиерейства саном почтвися и чисте Чистейшему предстоя, прилежно моление за люди твоя приносил еси, яко и дождь молитвою свел еси, овогда же и града запаления угасил еси. И ныне, святителю Никито, моли Христа Бога спасти люди твоя молящияся, да вси вопием ти: радуйся, святителю отче предивный.

Икос

Кто не почудится, кто не прославит неизследимую и несказанную глубину милосердия Твоего, Христе Боже? Яко прославил еси в последнем роде угольника Твоего, святителя Никиту, егоже обретошася честныя мочи целы и неразрушмы. Ему же речем: егда во плоти был еси, преподобне, делании Божественными душу предочистил еси, святительства паству

восприим, сосуд избран Божественнаго Духа показался еси и стадо твоё до конца в вере утвердил еси. Тем радуйся, отче предивный.

Песнь 7

Ирмос: Триё отроцы в пещи, Троицу прообразивше, прещение огненное попраша, поюще, вопияху: благословен еси, Боже отец наших.

Святителю отче наш Никито, моли Бога о нас.

Уясняют, воспевающе, Ангельстии Чини память твою, Никито святителю, и мы, земнии, умильно вопием: испроси нам оставление согрешений и благих наслаждение.

Святителю отче наш Никито, моли Бога о нас.

Фараона мысленнаго победил еси, от Христа дерзновение приим, и велие радование святым Ангелом сотворил еси, поя: отец наших Боже, благословен еси.

Слава: Херувиму подобяся, легко на высоту возшел еси и ныне со безплотными водворяешися, Христу вопия: отец наших Боже, благословен еси.

И ныне: От утробы Твоея пройде умное, Богородице, Солнце, Сего моли, яко Сына Твоего и Господа, подати нам скорбей разрешение и болезней облегчение, да радостно от души вопием Христу: отцев наших Боже, благословен еси.

Песнь 8

Ирмос: Вещественнаго огня пламень Невещественным увядиша Богозримии отроцы и пояху: благословите, вся дела Господня, Господа.

Святителю отче наш Никито, моли Бога о нас.

Людем Российским испроси, Никито святителю, мир, здравие, спасение и на враги одоление, да в радости душевной возопием: благословите, вся дела Господня, Господа.

Святителю отче наш Никито, моли Бога о нас.

Чувственныя страсти победив, чистотою, яко солнце, возсиял еси, чисто житие до конца сохранил еси и Богу тем угодил еси. Емуже вопием: благословите, вся дела Господня, Господа.

Слава: Шум прázднующих слы́шати, святíteлю, сподóбился еси́: шу́яго стоя́ния изба́ви мя и страсте́й треволне́ния и к приста́нищу покая́ния наста́ви мя, да ты сла́влю во вся ве́ки.

И ныне: Ще́драго и человеколю́биваго Бо́га роди́ти, Богоро́дице, сподóбилася еси́, Того́ моли́, Неискусобра́чная Отрокови́це, низпосла́ти нам, ве́рным, ве́лию ми́лость.

Песнь 9

Ирмос: В зако́не се́ни и писа́ний о́браз ви́дим, ве́рнии: всяк му́жеский пол, ложесна́ разверза́я, свят Бо́гу. Тем Перворожде́нное Сло́во Отца́ Безнача́льна, Сы́на, первородя́щаяся Ма́терию неискусому́жно, велича́ем.

Святíteлю о́тче наш Никíто, моли Бо́га о нас.

Мо́ре житейское преплы́в воздержáнием, дости́гл еси́ широты́ райския, иде́же со Ангелы прíсно весели́шися.

Святíteлю о́тче наш Никíто, моли Бо́га о нас.

Ра́ка моще́й твои́х, святíteлю, дража́йши сапфи́ра показáся, чудотвори́ва бо бе и исцелéния источáющи. Ея́же обლობызáюще с ве́рою, приходи́ющая ра́достно от души́ вопи́ют: сон че́стен пред Го́сподем смерть преподóбных Его́.

Слава: Крестонóсно предстои́ши престóлу Вседержíteля, сла́вою осиява́емь Све́та Присносу́щнаго. Моли́ся, Никíто святíteлю, о чтя́щих ве́рно па́мять твою́.

И ныне: Лук сокруши́ся лука́ваго одолéнием Сы́на Твоего́ и Бо́га на́шего, чудна́ побéда, Богоро́дице, и дивно́ одолéние соде́яся, Влады́чице, во спасéние душ на́ших.